



卷六十四

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駟 集解，唐 司馬貞 索隱，唐 張守節 正義
 卷 卷六十四
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

東洋文化研究所漢籍目錄 編號: B1112300
 東洋文化研究所漢籍目錄所藏漢籍善本文影像資料庫 索書號: 貴重-30
 漢籍善本文影像資料庫文本史記一百三十卷 慶長元和間古活字印本
 版權所有: 東京大學 東洋文化研究所
 使用上的注意事項

三皇本紀

補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大皞氏風姓代燧人氏繼天而王母曰

司馬穰苴列傳第四

史記六十四

司馬穰苴者田完之苗裔也

索隱曰穰苴田氏之族為大司

馬故曰司馬穰苴也○正義曰穰音若羊反苴音子徐反曰穰苴為司馬官主兵

景公時晉伐阿甄而燕侵河上

索隱曰阿甄皆齊邑晉大

康地記曰阿即東阿也地理志云甄城縣屬齊河○正義曰河上黃河南岸地即滄德二

州北齊師敗績景公患之晏嬰乃薦田穰苴

曰穰苴雖田氏庶孽然其人文能附眾武能

威敵願君試之景公名穰苴與語兵事大說

之以為將軍

索隱曰謂命之為將以將軍也將音即匠反遂以將軍為官名

故尸子曰十萬之師無將軍則亂六國時有此官將軍扞燕晉之師

穰苴曰臣素卑賤君擢之閭伍之中加之大

夫之上士卒未附百姓不信人微權輕願得

君之寵臣國之至尊以監軍乃可於是景公

許之使莊賈往穰苴既辭與莊賈約曰旦日

日中會於軍門索隱曰按旦日謂明日穰苴

先馳至軍立表下漏待賈

索隱曰立表謂立木為表以視日景

兵

下漏謂下滴漏
以知刻數也
賈素驕貴以為將已之軍而

已為監軍不甚急
正義曰已音紀監甲暫反親戚左右送

之留飲日中而賈不至穰苴則什表決漏
索隱

日什音赴也什者謂卧其表也決漏者謂入決去其壺中漏水以賈失期過日中故也

行軍勒兵申明約束約束既定夕時莊賈乃

至穰苴曰何後期為賈謝曰不佞大夫親戚

送之故留穰苴曰將受命之日則忘其家臨

軍約束則忘其親援枹鼓之急則忘其身
索隱

曰援音表枹音浮○正義
援作操枹音乎謂鼓槌也今敵國深侵邦內

騷動士卒暴露於境君寢不安席食不甘味

百姓之命皆懸於君何謂相送乎召軍正問

曰軍法期而後至者云何對曰當斬莊賈懼

使人馳報景公請救既往未及反於是遂斬

莊賈以徇三軍三軍之士皆振慄久之景公

遣使者持節赦賈馳入軍中穰苴曰將在軍

君令有所不受
魏武帝曰苟便於事不拘君命問軍正曰軍

殺

中不馳今使者馳云何正曰當斬使者大懼
 穰苴曰君之使不可斬之乃斬其僕車之左
 駟馬之左驂以徇三軍索隱曰謂斬其使者僕車之左駟又斬馬
之左驂以徇者在左故也○正義曰駟音附劉伯莊云駟者箱外之立木承重校者徇行
 也遣使者還報然後行士卒次舍井竈飲食
 問疾醫藥身自拊循之悉取將軍之資糧享
 士卒身與士卒平分糧食最比正義比作卑必耳反其
 羸弱者三日而後勒兵病者皆求行爭奮出

為之赴戰晉師聞之為罷去燕師聞之度水

而解正義曰度黃河水北去而解於是追擊之遂取所亡

邦內故境而引兵歸未至國釋兵旅解約束

誓盟而後入邑景公與諸大夫郊迎勞師成

禮然後反歸寢既見穰苴尊為大司馬田氏

日以益尊於齊已而大夫鮑氏高國之屬害

之譖於景公景公退穰苴苴發疾而死田乞

田豹之徒由此怨高國等索隱曰田乞田僖子豹亦僖子之族

也 其後及田常殺簡公盡滅高子國子之族

至甯曾孫和因自立為齊威王索隱曰此文

和自立至其孫因號為齊威王故世家用兵

行威大效穰苴之法正義放而諸侯朝齊齊

威王使大夫追論古者司馬兵法而附穰苴

於其中因號曰司馬穰苴兵法

太史公曰余讀司馬兵法闕廓深遠雖三代

征伐未能竟其義如其文也亦少喪矣索隱曰謂

司馬兵法說行兵揖讓有三代之法而齊若夫

區區小國又常戰國之時故云少喪

穰苴區區為小國行師何暇及司馬兵法之

揖讓乎世既多司馬兵法以故不論著穰苴

之列傳焉

索隱述贊曰

燕侵河上 齊師敗績 嬰薦穰苴

武能威敵 斬賈以徇 三軍驚惕

我 齊率既彊 彼寇退壁 法行司馬

實賴宗戚

司馬穰苴列傳第四 史記六十四

孫子吳起列傳第五

史記六十五

孫子武者齊人也正義曰魏武帝云孫子者齊人事於吳王闔閭為吳

將作兵法以兵法見於吳王闔廬闔廬曰子

之十三篇正義曰七錄云孫子兵法三卷案十三篇為上卷又有中下二卷

吾盡觀之矣可以小試勒兵乎對曰可闔廬

曰可試以婦人乎曰可於是許之出宮中羨

女得百八十人孫子分為二隊以王之寵姬

二人各為隊長索隱曰隊徒對反長竹兩反皆令持戟令

勒馬鑣術也秋名絡也絡其頭而引之也